

Reference el kirel a Subeled er a Miting er a Klengar me a Omesiunged

OCTOBER 5-11

**MEKREOS EL TEKOI EL NGAR ER A
BIBLIA | EXODUS 31-32**

**“Mongoeroid er Kemiу er a Omengull
el Bleob”**

w09 5/1 11 par. 11

**Dolengeriakl el Bedul a Klloulechad er a
Klereng—“A Kloul Sils er a RUBAK a Kmedang”**

¹¹ A doltaut aike el bla desuub er a Bades a sebechel el mo uchul a omelsemai, el ileakl sel bo dechelebangel a meringel el blekeradel. El di ua tiang, telkib el taem er a uriul er a Jehovah er a lotebedeterir a rengalek er a Israel er a klsibai er a Ekipten, e te mlo outoketok er a Moses e mle blechoel el “melasem er a RUBAK.” E ngera uchul? E le ngmlo diak a imelir el ralm. (Exodus 17:1-4) A kesai er a eru el buil er a uriul er a lerellii a telbiil el obengkel a Jehovah e lekengei el mo oltirakl “a ikel rokui el le dilu RUBAK,” e te tilemellii a llechul el kirel a omengull el bleob. (Exodus 24:3, 12-18; 32:1, 2, 7-9) Tia el klteketele a Moses er a ledibus el ngar er a Rois el Horeb el millai a ulekrael er a Dios, ngrirelleterir el mo medakt? Tirka te mlo melatk el kmo a rechad er a Amalek te Imuut el me oldechelakl er tir me te mo mechitechut a lak a Moses, el chimal el ueldars el mo er a bab a mlo uchul e te mlo mesisiich er a mekemad er a uchei? (Exodus 17:8-16) Ngsebechel el mle uaisei, engdi a ngii di el uchul el mla er ngii, e a rengalek er a Israel a “dimlak el sorir lolengesenges.” (Rellir 7:39-41) A Paulus a milengelechel er a Rekristiano el mo ‘blak a rengrir’ me lak el ‘rrebet loltirakl er sel blekeradel el diak lolengesenges,’ el ngii a blekeradel el lullecolt er ngii a rengalek er a Israel er sera bo lemedakt el mo soiseb er a Beluu er a Nglat.—Hebru 4:3, 11.

w12 10/1 26 par. 12

**Molengesenges er a Dios Me
Mukngeltengat el Okiu a Telbilel**

¹² Me a Jehovah a di mle merched el oltaut a telbilel el mo er a rechad er a Israel. Ngmillilt er a reprist el mo mesiou er a ileakl el tento el kirel a omengull, e dirrek el mo olengeseu er a rediak el mecherrungel el chad el mo er ngii a deleuill er tir el obengkel a Dios. Engdi a rechad er a Israel a di mle merched el obes a telbilir e “ulemekringel er ngiil Chedaol Dios er a Israel.” (Psalm 78:41) El ua tiang, sel taem el Moses a dirk mla er a Rois el Sinai el melai a Imuut el bebil er a ulekrael er a Jehovah, e a rechad er a Israel a mlo seselk a rengrir el mengiil me ngmlo mechitechut a klaumerang er tir er a Dios, e mlo omdasu el kmo a Moses a mla choititerir. Me te rirellii a bleob el kolt el ngelekel a kerbou e dilu er a rechad el kmo: “Israel, tiakid a chedum el chiltikikau el otebedau er a Ekipten.” (Exodus 32:1, 4) Me te mocha mengull e melenget el mo er ngika el bleob e melekoel el kmo te mengull er a Jehovah. Me a Jehovah er a leseterir el mengull er ngika el bleob e ngdilu er a Moses el kmo: “Te di mle merched el choitii sel rael el kdilu er tir el kmo te mo oltirakl er ngii.” (Exodus 32: 5, 6, 8) Cherengel a taem e a rechad er a Israel a di millemolem el meruul a telbilir el mo er a Dios e dimlak loltirakl.—Ulecherangel 30:2.

w18.07 19 par. 14

“Ng Techa Olab el Mor a RUBAK?”

¹⁴ A rechad er a Israel a mle medengei el kmo ngmekngit a omengull el bleob. (Exodus 20: 3-5) Engdi te kmal mle merched el mo mengull er a kolt el ngelekel a kerbou! Me alta ngmlo diak lolengesenges a llach er a Jehovah engdi ngdi mle tir el mengeblad er tir el mo

omdasu el kmo te Dirk ullab el mora Jehovah. A Aron a dirrek el ulemekedong er tia el omenengull er a kolt el ngelekel a kerbou el “mur el odengesel a RUBAK”! Me ngmilekera Jehovah? Ngdilu er a Moses el kmo a rechad a mla “omekidokel er tir” e chilitii sel rael el Ngii a “dilu er tir el kmo te mo oltirakl er ngii.” Me a Jehovah a kmal mlo kesib a rengul a uchul me ngmillatk el mo okngemedii ngii el renged. —Exodus 32:5-10.

Morrerter er a Tekingel a Dios

w19.12 2 par. 4

Ngar Ngii a “Belsechel” a Ureor me a Ulengull

⁴ Me a kerebai el lekiltmokl a Jehovah me a Jesus el mle meringel loureor, ngbelkul a kmo ngdiak el kired lolengull sel doureor? Ngdiak leuaisei. A Jehovah a diak Isebechel mo mesaул a bedengel, me ngdiak lousbech a ulengull. Engdi a Biblia a mesaod el kmo a uriul er a lomeob er a melidiul me a chutem, e ngii el Jehovah a “ulengull er ongeuid el sils.” (Exo. 31: 17) Me tiang a meketeklii el kmo a Jehovah a mlo merek el omeob a blebelel, e milengoit a temel el oldeu a rengul er aika el blebelel. Me a Jesus alta ngmle meringel loureor er a lengar a chutem, engdi ngdirrek el ulsiik a techall el mo olengull e omesoil lobengterir a resechelil. —Mt. 14:13; Lk. 7:34.

w87-E 9/1 29

A Ker el Mla er a Remenguiu

Me a chad el ngar omeltkel a Jehovah e oba kengei er ngii (el ngklel a llechukl er a “babier er a klengar”) a diak el belkul a kmo ngika mla nguu a diak a ulebengelel el klengar, e tia el tekoi a mla moterekokl e diak el sebechel el menngodech. A Moses a uleker er a Jehovah el kirir a rechad er a Israel el kmo: “Ak ulengit me mousubes a kngterir. E a Isekum ng diak, e ak ulengit me mseldii a ngklek er sel babier mlilechesii er ngii.” Me a Dios a dilu el kmo: “Ng di ngikel mlor a klengit el omtok er ngak a bo ksel-

dii a ngklel er a babier er ngak.” (Exodus 32: 32, 33) Nguaisei, a Dios a sebechel luchesii a ngklel a chad er a chelsel a ‘babilengel’ engdi a uriul e ngii el chad a sebechel mo diak lolengesenges me a lechub e ngchoitii a klaumerang er ngii. A Isekum e tia el tekoi a duubech e a Dios a mo ‘suldii a ngklel er a babier er a kle-nigar.’—Ocholt 3:5.

OCTOBER 12-18

MEKREOS EL TEKOI EL NGAR ER A BIBLIA | EXODUS 33-34

“Blekerdelel a Jehovah el Kmal Olechau a Reng”

it-2-E 466-467

Ngakl

A blebelel a Dios el domes a ochotii el kmo ngmera el ngar ngii a Dios, me nguaisei engdi ngdiak lochotii a ngklel. (Psa 19:1; Rom 1: 20) Me a chad a bo lodengelii a Dios e ngousbech er a Imuut el betok er a di mo medengelii a ngklel. (2Kr 6:33) Ngkirel medengei el kmo ngua ngera el chad el ngera moktek er ngii, urerel, me a blekerdelel el ua louchais a Tekingel. (Momekesiu 1Ki 8:41-43; 9:3, 7; Neh 9:10.) Tia sebeched el mesa er a tekoi el dilubech el mora Moses el Jehovah a mle ‘ungil medengelii.’ (Exo 33:12) A Moses a mla er ngii a ileakl el techel-el el mesa klebkellet a Jehovah e rongesii a odengesel “a ngklel el RUBAK.” (Exo 34:5) Tia el odengesel a ngklel a diak el belkul a kmo ngulerenges er a omeleklel a ngklel a Dios e ngbai rirenges a blekerdelel me a urerel. “RUBAK el Dios el mui er a blekokuii ma klechubechub, el diak le merched el ngmasech a renguk, e olecholt er a blechoel bltikkereng ma blakerreng. Ak ultaut er a telbilek el mor a re betok el telael el chad e ousubes a chelebirukel, ma teluchakl, ma klengit; e ngdi diak knguu a medak ma lechub e kukor el omals er a re ngalek ma re ngelekit a re ngelekit el mor a ongedei ma

ongeual cheroll el kirel a kngterir a re demerir.” (Exo 34:6, 7) Ngdi osisiu, a chelitekkel a Moses el meleko el kmo “ak mo oldanges er a ngklel a RUBAK,” a ouchais a omerellel a Jehovah el bedul a rechad er a Israel e dirrek el ouchais a blekerdelel.—Dut 32:3-44.

w09-E 5/1 18 par. 3-5

Jehovah a Ouchais a Blekerdelel

A kot el tekoi el luluuchais a Jehovah el kirel a ngii a “RUBAK el Dios el mui er a blekokuui ma klechubechub.” (6 el Kekerei el Bades) A doltirakl a tekingel a ta el chellimosk, e a tekoi er a Hebru el moiuid el “bekokuii” a mesaod el kirel a Dios el kmo “ngdmolech a klechubechub er ngii, el ua omerellel a chedam el mora ngelekel.” A tekoi el moiuid el “klechubechub” a mesaod el kirel a “chad el ngar er a rengul el meruul el mora chad el ousbech a ngeso.” Me ngbleketakl el kmo a Jehovah a soal a bo dodengei el kmo, ngomekerreu er a rechedal el di ua chedam me a chedil a lomekerreu er a rengelekir, el oba medemedemek el bltikerreng e blechoel el melatk aike lousbech.—Psalm 103: 8, 13.

Ongerung, a Jehovah a meleko el kmo, ng “diak le mereched el ngmasech a renguk.” (6 el Kekerei el Bades) A Jehovah a diak di lengera e lengasech a rengul er a remesiungel. Ngbai oba kllourreng el bedul tir, el outekangel a cheleuid el omerellir e mesterir a taem el mo melodech a blekerdelir.—2 Petrus 3:9.

A Dios a melemolem el meleko el kmo ng “olecholt er a blechoel bltikerreng me a klemerang.” (6 el Kekerei el Bades) A blechoel el bltikerreng me a lechub e ngdiak lemengodech el bltikerreng a mekreos el blekerdelel a Jehovah el bla lebekur el obengterir a rechedal, e tia el deleongel er tir a outekangel e diak lengemed. (Duteronomi 7:9) A Jehovah a dirrek el uchul a klemerang. Ngika diak el sebechel mengeblad me a lechub e le mecheblad. Ngii a “Dios er a klemerang” me ngsebeched el otuil a klaume-

rang er kid er a rokui el tekoi el ledung, el uldimukl er a telbilel el kirel a ngar medad el taem.—Psalm 31:5, NW.

w09-E 5/1 18 par. 6

Jehovah a Ouchais a Blekerdelel

A ta er a klemerang el Jehovah a soal a bo dodengelii el kirel a kmo, ng “ousubes a chelebirukel, ma teluchakl, ma klengit.” (7 el Kekerei el Bades) Ng “kltmokl el ousubes” er tirke el lobult er a kngterir. (Psalm 86:5, NW) Me nguaisei engdi a Jehovah a kmal ouketui a mekngit. Ngmeleko el kmo ng “diak knguu a medak ma lechub e kukor el omals.” (7 el Kekerei el Bades) Ngika el chedaol e melemalt el Dios a mo melseterir tirke el durengrir el meruul a mekngit. Te mo meridm a medal a omerellir.

Morriter er a Teakingel a Dios

w04 3/1 31 par. 5

Suobel el Mla er a Babier er a Exodus

33:11, 20—Ngmlekera Dios a mlo “chachebangel” e mengedecheduch er a Moses? Tia el tekoi a olecholt er a ungil el cheldecheduch er a delongelir a reteru el chad. A Moses a milengedecheduch er ngike el omtechei er a Dios e ngilai a tekingel a Jehovah el oeak ngii. Engdi Moses a dimlak lesa Jehovah, e le ‘ngdiak a chad el mesa medak e di chad.’ A mera er ngii, a Jehovah a dimlak lengii a mengedecheduch er a Moses. A Llach “nguleak ar anghel el mora chimal ngikel deleuill,” el ua ldung a Galatia 3:19.

w99 3/1 30 par. 5

Moruul a Ike el Meklou a Ultutelel el Tekoi el Mo Kot!

A edei el taem er a ta el rak a rebek el sechal el ngelekel a Israel ma rulebult el Chisentael a mllellach el mo er a medal a Jehovah. A rebetok el bdelul a telungalek a mlo medengei el kmo a telungalek er tir a mo ngmai a klungiolir er a tekoi er a klereng er a ike el blsechel,

me te milengetmokl el kirir a rebecherir ma rengelekir el mo obengterir. Ngdi ngtechang a mo omekerreu er a blirir ma sersir er a recherrouir er a lecheroid er a belurir? A Jehovah a tilbir er a rengul el kmo: “Ngdiak a mo melasem el mo nguu a belumiua chelsel a ikel edel taem ra tal rak el ber medak el Rubak el Dios er kemi.” (Exodus 34:24) A rengelekel a Israel a uluusbech a klaumerang el mo oumera el kmo a Isekum te mo osiik a tekoi er a klereng el mo kot, e te diak lordini a ngii di el ngerang el klalo el lousbech. A Jehovah ngmera el mlo oltaut er a tekingel? Ngulterekokl el ultutii!

OCTOBER 19-25

MEKREOS EL TEKOI EL NGAR ER A BIBLIA | EXODUS 35-36

“Nguu a Duch el Mo Meruul er a Urerel a Jehovah”

w14-E 12/15 4 par. 4

A Jehovah Omekngeltengat er Ngike el Ngar er a Rengul el Meruul

Me sel kmal uldeuir a rengul a Jehovah a diak el ike el klalo el lullenget e ngbai bai sel reng er tir el kilengei el meruul lolengeseu er a blio-chel el omengull. Te dirrek el millenget a temir me a klisichel a bedengir. “A rokui el redil el mla er ngii a duch er tir a milengaus . . . rokui el mla er ngii er a rengrir el redil e meduch, a chilaus a bsechel a kaming.” A Jehovah a dirrek el milda Besalel a “llomeserreng, ma klemedengei, ma kldachelbai.” Ngmilda Besalel me a Oholiab a duch er tir el mo meruul aike el rokui el ureor el mle kirel ruoll.—Exo. 35:25, 26, NW, 30-35.

w11 12/1 21 par. 6

A Reblak a Rengrir er a Irechar

—A Mlukrael er a Chedaol el Klisichel a Dios

⁶ A ta er a mesiungel a Jehovah el kiliei er a taem er a Moses el dirrek el ngiluu a ngelsuil a

oureor el klisichel a Dios a Besalel. A kerebil a dirrek el ouchais er kid a betok el kirel a rolel a lomekrael er kid a chedaol el klisichel a Dios. (**Monguiu er a Exodus 35:30-35.**) A Jehovah a tiltkii a Besalel el mo oungerachel er a ureor er a kldaksang er a chelsel a templo. Ngmla er ngii a klemedengei er ngii el kirel tia el ureor er a uchei? Nglocha mla er ngii, engdi a ureor el lurrul er ngii er a uchei a mirruul a rengna el mo er a rechad er a Ekipten. (Exodus 1:13, 14) Ngmilekerang a Besalel el kirel tia el kmal mle meringel el ureor? A Jehovah a milda sang a chedaol el klisichel me ngmlo er ngii a “duch, ma llomeserreng, ma klemedengei, ma kldachelbai” er ngii. Me a Dios a milda sang a duch er a Besalel me a Oholiab el mo meduch el meruul er a ureor el okiu a oureor el klisichel. Me te ulterekokl el kmal mle blak a rengrir el mesuub el mo meduch, e le ngmlo sebechir el rullii a ureor e dirrek el ulsisecheklterir a rebebil el mo meduch el oureor.

w11 12/1 21 par. 7

A Reblak a Rengrir er a Irechar

—A Mlukrael er a Chedaol el Klisichel a Dios

⁷ Kede dirrek el medengei el kmo a Besalel me a Oholiab a mlukrael er a oureor el klisichel a Dios e le ngkmal mle imis el ungil a rellel a urerir. A klekedall el leriruul a mle sebechir a rechad el ousbech er a uriul er a 500 el rak. (2 Kronika 1:2-6) A ruumesingd el chad er chelechang a sorir a rebebil a bo lechat er tir el kirel a urerir, engdi a Besalel me a Oholiab a dimlak leuaisei a uldesuir. Te bai kmal mle sorir a rokui el chetengakl a lebo er a Jehovah.—Exodus 36:1, 2.

Morriter er a Tekingel a Dios

w05 9/1 9 par. 14

Mesuub el Mo Medengei a Rolel a Jehovah

¹⁴ A tekoi er a klereng bo lekot. A renged er a Israel a dimlak el kirel el mecherei a ulekerreu er a tekoi er a chechad el mo osokedii sel ule-

kerreu el mo er a tekoi er a klereng. A rengalek er a Israel a dimlak el di lekirir el mengoit a klichir el di kirel a tekoi er a klechad er a bek el sils. A Jehovah a milecherei a taem er a bek el sandei el lurrual el kmo ngchedao el taem, el lousbech el di kirel a ureor er a omesiou el mo er a mera el Dios. (Exodus 35:1-3; Ulecherang 15:32-36) A bek el rak, e a Imuut el bebil er a taem a mle medechel el kirel aike el ulterekokl el chedaol el sils. (Levitikus 23:4-44) Aikang a mo mesterir a techall el mo mesaod aike el meklou el urerel a Jehovah, e mo muklatk er a rolel, e mo olecholt a omereng el saul el mo er ngii el kirel aike el rokui el olechotel a ungilreng er ngii. Sel lolecholt a blakereng er tir el mo er a Jehovah tirka el chad, e te mo sebechir el omekeroul er a dakt ma bltikereng el mo er a Dios e mo sebechir el mongeseu el mo merael el ngar er a rolel. (Duteronomi 10:12, 13) Aike el klikiid el omel-lach el ngar er aike el osisechakl a mo uchul a klungiolir a remesiungel a Jehovah er a chelecha el sils.—Hebru 10:24, 25.

w01 3/1 30 par. 1

Blekerurau el Reng a Uchul a Deurreng

Ka molebedebek er a uldesuir a rengelekel a Israel. A betok el telecheroll a mlo chuarm er a klsibai ma chelebuul. E chelechang e te mla mo mimokl e mla er ngii a betok el klokli. Ngera mle uldesuir el kirel a omelenget el klokli? Te locha ulemdasu el kmo te mlengereker er ngii me ngar er ngii a llemeiltir el mo olab el rokui. Engdi, sera lomekedo er tir el mo melenget el kirel a mera el omengull, te mirruul el uaisei—el dimlak lechetirir ma lechub e longreos! Te dimlak lobes el kmo ngar er a rolel a Jehovah e te millai a klalo. Misei, e te mle bekerurau el melenget a silber, ma kolt, ma chermir. Te mle “ungil a rengrir.” A ‘rengrir a uldurech er tir.’ ‘A rengrir a millisich er tir.’ Ngmle “tenget el mla er a rengrir el mo er a Jehovah.”—Exodus 25: 1-9; 35:4-9, 20-29; 36:3-7.

OCTOBER 26–NOVEMBER 1

MEKREOS EL TEKOI EL NGAR ER A BIBLIA | EXODUS 37-38

“Olengetongel er a Chedaol Tento me a Moktek er Ngii er a Chelsel a Mera el Omengull”

it-1-E 82 par. 3

Olengetongel

Olengetongel er a omelul el ochod. A olengetongel er a omelul el ochod (el dirrek el okedongall el “kolt el olengetongel” [Exo 39:38]) a mle rruul er a kerrekar el akasia, e mle bliull er a kolt. A btekel a dirrek el mle kolt el meliuekl. Tia el olengetongel a mle skak, el 18 el ints a klemengetel me a tengel, e 36 el ints a delechel ngdirrek el mla er ngii a kleua el “orsul” el uldeod er aike el tkul. Ngmla er ngii a teblo el kolt el kebkab el mlara tkul el orkedellel a ongelungel. Aika el ongelungel a dirrek el mle rruul er a kerrekar el akasia e mle bliull er a kolt. (Exo 30:1-5; 37:25-28) A ileakl el ochod a meldul er tia el olengetongel, el tang er a tutau me a tang er a kebesengei. (Exo 30:7-9, 34-38) Kede mes er a bebil el bades el kmo ngmla er ngii a ollaol er a ochod me a lechub e ngblil a ngeuil a ochod el luluus-bech el kirel a omelul el ochod me ngsebeched el meleko el kmo te dirrek el uluusbech er a olengetongel er a omelul el ochod. (Lev 16: 12, 13; Heb 9:4; Och 8:5; momekesiu er a 2Kr 26:16, 19.) Tia el olengetongel a mla er a chelsel a Chedaol Delemerab el mlara medal sel kateng el mo soiseb er a Kmal Chedaol Delemerab me a uchul me ngdirrek el sebeched el meleko el kmo ngmlara “medal a Blil a Telbiil.”—Exo 30:1, 6; 40:5, 26, 27.

it-1-E 1195

Ochod

Tia el chedaol el ochod el luluusbech er ngii er a chedaol tento er a lengar er a ked, a mle

meringel a cheral a klekedellel e aika el klekedall a lullenget a rechad er a Israel. (Exo 25: 1, 2, 6; 35:4, 5, 8, 27-29) Me a Jehovah a uluuchais er a Moses er a rolel a bo loruul er ngii el kmo: "Ke ngmai a bek el bedengel a ungil el *spice* el *stacte*, ma *onycha*, ma *galbanum*, ma bliochelel ochod. Mousbech el meruul a ochod el mrachem el mo ua kosui. Modak a sar er ngii me le bliochelel e le chedaol. Ke remusech a bebil er ngii el kmal mo mekekerei el ua chaus e locha er medal a Blil a Telbiil er a Tento er ngak. Ke mengdekudel er ngii el mo kot el chedaol." A Jehovah a dirrek el ulemeketakl el kmo tia kmal mle ileakl e chedaol er a ledeschelii el kmo: "A ngii di le chad el mo meruul a ua ingii el mo ousbech el ua kosui a mo okodall."—Exo 30:34-38, NW; 37:29.

it-1-E 82 par. 1

Olengetongel

Olengetongel er a Chedaol Tento. Sel taem er a loruul er a chedaol tento e te dirrek el riruul a teblo el olengetongel el rellel a oltirakl er a rolel el lechilderderii a Jehovah. A olengetongel er a delaol tenget (el dirrek el okedongall el "brons el olengetongel" [Exo 39:39]) a kiuar el mle rruul er a kerrekar el akasia el chiechab. Tia mle skak el 7.5 el fit a klemengetel me a tengel, e 4.5 el fit a telongklet. Ngdirrek el mle kleua 'orsul' el uldeod er aike el tkul a olengetongel e aika mle blail er a brons. A ollaol el brons a mle ulenganget el mora "melengel" a olengetongel. A kleua el kebkab a mlara bkul el orkedellel a ongelungel el mle rruul er a kerrekar el akasia el bliull er a brons. Tia belkul a kmo te milsibs a bkul tia el olengetongel e dualem a debretech el brons er ngii el uldeod aika el kebkab er ngii. Ngkakerous a uldesuir a rechellimosk el kirel aika el kebkab. Te om dasu el kmo aika mle eru el kakerous el set er a kebkab. E sel ongeru el set a ikakid el kebkab el mlara ikrel a olengetongel el bo lsiseb er ngii a ongelungel. A klekedall er a chedaol

tento a mle rruul er a brons, el olekang me a sebel el lousbech el kirel a chebul a ngau, me a kanadarai el blil a rsechel a charm, me a taod lousbech el kirel a orkedellel a tech, me a dirrek el ollaol er a ngau.—Exo 27:1-8; 38:1-7, 30; Ule 4:14.

Morriter er a Tekingel a Dios

it-1-E 36

Akasia

A akasia a kerrekar el betok a toched er a rechelel. Aika el rechelel tia el kerrekar a blechoel obelebel er a rechelel aike el bebil kerrekar el akasia el kmeed er ngii, sei a uchul me a Biblia sel losaod er tia el kerrekar e ngousbech er a tekoi el *shit·tim'* el belkul a kmo ngbetok er a chimong. Aika el akasia sebechel mo 20 el mo 26 el fit a klemengetel e kora teletelel a mekekerei el kerrekar. A llel a meaiu el kora bsechel a charm e a bngal a bibrulk el kmal ungil a bul e a rdechel a ua teletelel a *edamame*. Tia el kerrekar el chedelekelek e cherduch a budel, a mesisiich e oberaod el diak el sebechel meka er a charm. Me ngii el kmal mesisiich e betok er a medidirt el belluu, a uchul me te uluusbech er ngii el kirel okedecherul me a klekedellel a chedaol tento. Te uluusbech er ngii el omekedechor er a blil a telbiil (Exo 25:10; 37:1), tebel er a uldars el blauang (Exo 25:23; 37:10), olengetongel (Exo 27:1; 37:25; 38:1), ongelungel lousbech el mengider a olengetongel (Exo 25:13, 28; 27:6; 30:5; 37:4, 15, 28; 38:6), tang el klebikl er ngii a kateng (Exo 26:32, 37; 36:36), me a sechesel (Exo 26:15; 36:20), me a dibard er a chedaol tento (Exo 26:26; 36:31).

w15-E 4/1 15 par. 4

Ke Medengei el Kmo Ngerang?

A dirk er a irechar a diak el ua dirk er chelechang el rruul er a *glass*. Ngmle blechoel rruul er a deel el brons engdi ngdirrek el mle sebechel rruul er a *copper*, *silber*, *kolt*, me a lechub

e ng *electrum* e aika lulemtanget. A kot el taem el Biblia a mesaod el kirel a dirk a sel taem er a lomekedechor er a chedaol tento, el mle kot el basio er a omengull er a rechad er a Israel. A redil a millenget a dirk el mo meruul er a kanadarai me a sel bo el kldeoel er ngii a kanadarai. (Exodus 38:8) Aika el dirk a mle kirir el toker el mo meruul a kanadarai.

